

PROGRAMA No. 0436

2 REYES

Cap. 1:1 - 2:22

Ñañepyrü ko árape jaestudia Segundo Libro Reyes capítulo 1. Ko capítulo 1pe, Moab opu'ä. Ocozías ohóvo omomba'eguas Baal-zebubpe, ohupyty juicio he'íva chupe Elías. Elías omboguejy tata yvágagui moköi jey, ohundi haguä umi moköi capitán omondova'ekue Ocozías, ha katu pe mbohapyha capitán nomanói. Joram, ojupíkuri Ocozías rendaguépe mburuvicha guasu ramo.

Ñande estudio paha Primer Libro Reyes peguápe, jahechákuri rey Acab nomano pya'úi hague upe tenda oñeñorairö haguépe ohupytýgui chupe peteï flecha opoiva'ekue peteï soldado enemigo. Jahechákuri omanohague ojepoi'ýre hesete peteï flecha. Nemandu'ápa, Acab omondehague soldado ao ani haguä avave ojeity hi'ári. Upeichavéramo jepe, jahechákuri omanohague ohupytýgui chupe peteï “flecha errante.” Upe ojehuva'ekue niko, peteïva umi soldado apytégui, opa rire ñorairö, ohechakuaa hembyhague chupe peteï flecha oipuru'ýre. Oguenohë, omoï pe arco rehe, ha vaicha opoi oikuaa'ýre mamo gotyopa ohóta opyta; ndoikuaái avei upe flecha ojukataha rey Acabpe. Jaipuru ramo ñe'ë legal ko'ágägua, ikatu ja'e Acab ñemano ha'ehague “muerte accidental.” Upeichavéramo jepe, roikuaa porä Ñandejára jehaipyrépe ndaupeichaihague. Upe flecha ojepoíkuri ojapo haguä peteï mba'e.

Angirü che rendúva, Ñandejára oipuru gueteri arma primitiva. Ha'e oï gueteri upe tiempo arco ha flecha reheguápe. Amo Salmo 64, versículo 7pe ñamone'ë kóicha: *“Ñandejára oha'äta chupekuéra hu'ýpe, ha oimo'ä'yhágui ojejapíta.”* Oï kuimba'ekuéra ko'ágä rupi ogueroviáva omboykeha Ñandejára po hi'arikuéragui. Angirü che rendúva, ehejamína ta'e ndéve Ñandejára orekoha peteï flecha nde réra reheve. Ha peteï ára ndejuhúta. Reñeha'ä ramo jepe rekañy térä porombotavy. Upe flecha ndejuhúta. Upéicha ojuhúkuri Acab rehe. Oiko hekoitépe upe Elías he'íva'ekue, Acab omanotaha avei huguy ohereitaha jaguakuéra, upe parralty omano haguépe Nabot. Jahechákuri avei mba'éichapa Josafat tuicha ojavykuri.

Amo Primer Libro Reyes, capítulo 22, versículo 43pe ñamoñe'ë kóicha: *“Josafat oiko hekópe itúva Asa oiko haguéicha. Hembiaipo porä Ñandejára renondépe. Opáichavo umi tekoha tetägua omymbajuka ha ohapyhápe insiënso tupä gua'ukuérape ndojepe'ái.”* Ejesarekomína mba'éichapa opa ko versículo: *“...Opáichavo umi tekoha tetägua omymbajuka ha ohapyhápe insiënso tupä gua'ukuérape ndojepe'ái.”* Upéva ohechauka Josafat ndoipe'aihague umi tenda, ha Ñandejára ndaikatúikuri ohovasa ko kuimba'e rekove. Upeichavéramo jepe, oñemohenda chupe mburuvicha marangatu apytépe, omomba'eguasúgui Ñandejárape hekoteépe.

Ñaguahëvo Segundo Libro Reyes capítulo 1pe, jahechakuaáta Ocozías Israel pegua rey, Acab ha Jezabel ñemoñare, ho'ahague peteï ventana rupi ha tuicha opyta vai. Ojesarekóvo isy Jezabel ñe'ëre omondókuri maranduhára Ecrónpe, oporanduka haguä Baalpe okuerátapa upe mba'asýgui téräpa nahániri. Elías hembiaipo pahaite maymáva renondépe profeta háicha, Ñandejára omondo chupe ojojuhu haguä maranduhára kuéra ndive jeja'o pohýi reheve. Ha jajuhu amo versículo 3pe, Elías oporanduha chupekuéra: *“Ndaipóri mba'épa Tupä Israelpe ajeve peho peporandu Ecrón pegua tupä gua'u Baal-zebubpe?”* Upéi Elías he'íkuri Ocozías omanotaha.

Tenondeve ko capítulope, jahechakuaáta avei mba'éichapa Elías oity tata yvágagui ohundi haguä 50 soldado omondova'ekue hekávo mburuvicha guasu. Upéi, Elías omoirü mbohapyha destacamentope ha ha'ete voi ome'ë momarandu Ocozíaspe omanotaha. Upe profecía ojuhúkuri Elías he'ihagueichaite. Ñañepyrü, ñamoñe'ë Segundo Libro Reyes capítulo 1 versículo 1 ha 2:

2 Reyes 1:1-2 “... tupä gua'u Ecrón guápe, okuera jeýtapa.”

Ocozías ho'ákuri peteï ventana hóga peguágui, yvatégui ha opyta oje-eri vaiete. Roguerovia ho'ahague oka'úgui. Upeichavéramo jepe, upéva peteï conjetura, ndaikatúi ro'e añete oikohague upéicha. Ha katu, oheka rangue Ñandejára pytyvö, Ocozías oiporavo

oporanduka tupä gua'u Ecrón pegua Baal-zebubpe. Ocozías ohekávo pytyvö tupä gua'úpe, oñemoiete voíkuri Israel Járare. Oporanduka, Ocozías upe tupä gua'úpe okuerátapa upe imba'asýgui téräpa nahániri. Ha ñamoñe'ë versículo 3 ha 4:

2 Reyes 1:3-4 “...nupu'äveimaha hupágui, omanótagui. Elías ojapo upéicha.”

Kóva ha'ékuri peteïva Elías rembiapo paha. Ojojuhúkuri Ocozías maranduhára kuéra ndive ha oporandu chupekuéra: “*Ndaipóri mba'épa Tupä Israelpé ajeve peho peporandu Ecrón pegua tupä gua'u Baal-zebubpe?*” Pya'ete voi ome'ë momarandu Ocozías rehegua, añetehápe omanotaha. Umi mensajero upémarö, ojevy ha omombe'u mburuvicha guasúpe upe Elías he'iva'ekue. Ñamoñe'ë Segundo Libro Reyes capítulo 1, versículo 5 guive, 10 peve:

2 Reyes 1:5-10 “... tata yvágagui ha ombokusugue chupekuéra.”

Ocozías ohechakuaa Elías omba'apo jeyha. Aníke nderesarái upérö oïhague apostasía Israelpé, avei oïhague conflicto directo Ñandejára ha Baal ndive. Rey Ocozías okastigase Elíaspe upe he'ikávare chupe. Omondo hendápe peteï capitán 50 soldado reheve, ha ojuhu Elíaspe oguapýva yvyty ru'áme. Ojerure jejahéi reheve Elíaspe toguejy upégui ojesareko haguä rey mba'ejerure rehe. Ojahéi rupi ohupyty chupe ñemano. Tata oúva yvágagui ohundi chupe. Ñandejára omoañete Elías ñe'ë. Upéva rupi ohechauka ipu'akaha upe apañuäime. Ha'ete niko ndojogueraha poräiva Acab ha Jezabel ñeisämbyhy ndive.

Heta mba'e niko oje'e ko'ágä rupi, tekotevéha ñaikümby mba'éichapa ñañekomunika-va'erä avei jajogueraha poräva'erä opavave ndive. Ehejamína ta'e ndéve, angirü che rendúva, péva ndaha'éi Ñandejára método. Iglesia ha imyakähára conformismo nombohapéi yvyporakuéra ohendu haguä pe Iglesia he'iva. Añetehápe avavete nohendúi pe Iglesia he'iva. Omboykete Iglesiape. Mba'ére upéva? Ha, yvyporakuéra nohendumo'ãi iglesia pegua

nomombe'úi peve Ñandejára Ñe'ë. Iglesia guakuéra omombe'u rire Ñandejára Ñe'ë, upéicharö oíta comunicación. Elías oñekomunikákuri. Ohendúkuri chupe hikuái. Ha'ékuri kuimba'e rudo. Ñamoñe'ë versículo 11 guive, 14 peve:

2 Reyes 1:11-14 "...Ajerure ndéve ore poriahurereko haguä."

Upérö rey omondo jeýkuri ambue capitán cincuenta soldado reheve, ha'e avei iñe'ë pohýikuri Elíaspe he'ívo chupe oguejy haguä yvytygui. Ha katu, upe oguejyva'ekue yvágagui ha'ékuri tata, ohapýva upe capitán ha umi kuimba'e hendive oïvape. Oikuaávo upéva, rey Ocozías omondo mbohapyha capitánpe isoldado kuéra reheve. Upe capitán ojaopókuri ambue mba'e. He'i ñandéve Ñandejára Ñe'ë oñesühague Elías renondépe ha ojerure chupe oguejy haguä ha toho rey rendápe. Upémarö, Ñandejára oikuaaukákuri Elíaspe oguejy haguä ha tahe'i juicio Ocozías ári guarä. Ñamoñe'ë Segundo Libro Reyes capítulo 1, versículo 15 guive, 18 peve:

2 Reyes 1:15-18 "...pe ojaopova'ekue, ojehai Israel ruvicha guasu kuéra kuatiápe."

Ha péicha opa Omri ha Acab ñemoñare. Jahasa ko'ágä capítulo 2pe. Ko capítulo 2pe, Elías oñemomombyrývo Eliseogui, omboja'o río Jordán ijahoja reheve. Elías ojegueraha yvágape kárro tata reheguápe. Eliseo, oipurúvo Elías ahoja omboja'o río Jordán, ha ojehechakuaa Eliseo opytaha Elías rendaguépe. Eliseo oipohano y nahesäiva. Oso kuéra oipehe'ämba mitärusu aty oñembohoryva'ekue Eliseo rehepe.

Ko capítulo 2 omombe'u ñandéve Elías ojererahárö guare yvágape. Elías ohókuri Gilgal guive Bet-elpe, upéi oho Jericópe ha upéi oho ysyry Jordánpe. Eliseo omoirü chupe. Elías opromete Eliseope ome'ëtaha chupe ijespíritu pehë jo'a. Elías oinupä pe ysyry Jordán ijahojápe ha moköivéva ohasa ysyry mbyte rupi, yvy rupi ramoguáicha. Elías oho chugui kárro tata guiguápe ha Eliseo ohecha ha'e ojupívo yvágape. Eliseo ojevy upémarö ohasa

haguä ysyry Jordán ha oinupä ysyry Elías ahojápe.

Avei ykua oïva'ekue Jericópe oñemopotikuri. Upéi, ojevývo Bethel gotyo, Eliseo ojejuhúkuri mitärusu aty ndive ha umíva oñembohory hese. Umi okritikáva Bibliape he'i nohecha poräiha ko tembiasa, ha katu, umíva ndoikuaa poräi mba'épa ojejuhúkuri upérö. Amo capítulo 2, versículo 23pe ñamoñe'ë:

2 Reyes 2:23 “...oñembohory hese ha osapukái chupe: ¡Néike akäperö, ejupíke!”

Pe ñe'ë “muchachos” “mitärusu” ko'ápe ojepurúva niko nahar téra naar ñe'ë hebreópe. Ha ojepurúkuri avei Isaac, orekórö guare 28 año. José ndive avei, ha'e orekórö guare 39 año. Roboam avei, orekórö guare 40 año. Ojepurúkuri avei ko ñe'ë Isaí ra'ykuéra ndive, amo Primer libro Samuel, capítulo 16, versículo 11pe. Ha umi mitärusu hebreo jajuhúva libro Daniel, capítulo 1, versículo 4 ha 17pe, umíva oguerékókuri 17 año rupi ojeguerahárö guare tembiguáicha Babiloniape. Avei ojepurúkuri oñeñe'ëvo umi sodomita oatakava'ekue Lot rógare. Umi mitärusu, ndaha'éikuri mitä michíva oñenóva kúnape. Añetehápe, Ñandejára omondókuri umi oso, ndaha'éikuri Eliseo. Angirü che rendúva, Ñandejára ndoheja reíri angaipa ha ñembohory.

Ko'ápe jahechakuaa upe mitärusu aty oñembohoryhague Eliseo rehe ha oñe'ë vai Elías jegueraha rehe. Ha upe irreverencia ha'ékuri blasfemia vaiete, oñemoïgui peteíva umi doctrina tuichaitéva oïva Ñandejára Ñe'ëme, he'iháicha apóstol Pedro, amo segunda carta, capítulo 3, versículo 3 ha 4pe. He'i apóstol Pedro: “*Opa mba'e ári peikuaa poräke kóva: Ára pahápe ouva'erä umi iñakä rehénte oikoséva, ha ojaposévante ojapóva. Umíva oñembohoryta pende rehe, ha he'íta peëme: Cristo niko he'iva'ekue ou jeytaha. Moö piko oime? Ore rukuéra niko omanombáma, ha ko yvy katu oï ñepyrümbý guive guaréicha.*” Upe tembiasa ojehechakuaáva ko'ápe niko Eliseo iñakä peröhague.

Ko capítulo 2 omombe'u ñandéve Elías rekove paha. Elías rekove opa ojererahárö guare chupe yvágape peteĩ kárro tata guiguápe. Upéi ou Eliseo. Ndajaikuaa hetáiramo Eliseo rekove rehegua, jaikuaa Ñandejára omondohague chupe. Heta jey ñapensa, Eliseope omo'äha Elías. Ndaupeichaiva'erä, jahechakuaávo Eliseo ojavohague hetave milagro Elías ojavova'ekuégui. Ha katu, Eliseo tuicha ñambuékuri Elíasgui. Elías ha'ékuri kuimba'e maymáva renondépe guarä. Eliseo, katu, hembiapo ojavókuri tekovekuéra ndive peteĩteĩ. Ha Eliseo rembiapo ha'égui upéicha, hembiapo kuéra ndaha'éikuri Elías rembiapóicha. Ñañepyrü, upéicharö ha ñamoñe'ë Segundo Libro Reyes capítulo 2, versículo 1 guive, 4 peve:

2 Reyes 2:1-4 "...ndorohejamo'äiha neño. Upérö oho oñondive Jericó peve."

Rehechakuaápa Elías oñeha'äha Eliseo opyta. Eliseo katu ndohejaséi Elíaspe, oikuaágui Elías ohotamaha ko yvy árigui. Ha Eliseo ohechasékuri Ñandejára oguerahárö Elíaspe. Ñakontinua ko'ágä versículo 5pe:

2 Reyes 2:5 "...Aikuaáma, he'i Eliseo, pekirirí."

Upe iñinteresánteva kuimba'ekuéra ko'ágägua, oho opaichagua tekove rendápe ha opaichagua tendápe ohekávo momarandu. Ko'ágä niko hetaiterei oĩ umi sortílego, umi omba'apóva zodíaco ha umi mba'e ñemimby rehe, umíva oikuave'ë opaichagua sugerencia. Kuimba'ekuéra oho hína opa mba'e rendápe, ndohói Ñandejára rendápe. Angirü che rendúva, nderehupytymo'äi momarandu pyahu rehóvo umíchagua rendápe, iporäve reheka Ñandejára pytyvö. Ehechakuaa ko'ápe maranduhára kuéra oguerekoha marandu Elías ohotaha upe ára. Eliseo katu oikuaáma. Upéva he'ise, ha'ekuéra ndaikatúikuri he'i mba'eve pyahu Eliseope, ha'e oikuaa'yvaguí. Jahasa ko'ágä ñamoñe'ë Segundo Libro Reyes capítulo 2, versículo 6 guive, 11 peve:

2 Reyes 2:6-11 "...chupekuéra joehegui ha Elías ogehupi yvágape peteĩ vyty ratäme."

Jahecha ko'ápe mba'éichapa Elías oipe'a ijahoja, odobla, ha oinupä pe ysyry Jordán; upe ysyry oñemboja'o ha upémarö, Elías ha Eliseo ohasa pe ysyry guasu mbyte rupi, yvy rupi ramoguáicha. Pya'ete jajuhu Eliseo mba'ejerure ojekuaaitéva Elíaspe: *"Aipota reme'ë chéve moköi nde espíritu pehëngue."* Ha, ejesareko ko mba'e rehe. Eliseo añetehápe ha'ékuri profeta tuichavéva Elíasgui. Orekókuri doble porción Ñandejára Espíritu rehegua. Ñamoñe'ë ko'ágä versículo 12 guive, 14 peve:

2 Reyes 2:12-14 "...oñemboja'o moköi hendápe ha Eliseo ohasa jey pe ysyry rupi."

Jahechakuaa ko'ápe Eliseo opyta hague Elías rendaguépe ha ohechauka ijerovia. Ohupi Elías ahoja ha oinupä pe ysyry Elías ojapo haguéicha. Ha, upe pu'aka noïrikuri Elíaspe, ni upe ahojápe, pu'aka oï Ñandejárape voi. Eliseo oikuaa porä upeichaha. Jahechakuaa Eliseo orekoha jerovia Elías orekova'ekue, ha péicha upe ysyry oñemboja'o. Eliseo añetehápe ohupytýkuri doble porción Ñandejára Espíritu rehegua.

Upéi, jahechakuaa Eliseo oporandu hague: *"Mamo piko oï Ñandejára, Elías Jára?"* Angirü che rendúva, kóva ha'e porandu iñimportanteva ko'ágä rupi. Ojeho rangue kuimba'ekuéra téra kuñanguéra rendápe, téra método rekávo, ÿrö umi sanalotodo rendápe pytyvö rekávo, ojapoháicha heta tapicha; mba'ére piko nderehói, angirü che rendúva, Ñandejára, Israel Jára rendápe? Ha'e niko Ñandejára Oikovéva. Ha'e niko Ñandejára ha Ñandejára Jesucristo Ru. Mba'ére piko nereñembojái Jesucristo, pe Salvador rendápe?

Eliseo ohupíkuri Elías ahoja, oinupä ipype ysyry ha upe ysyry oñemboja'o. Eliseo ohasa río Jordán oñepyrü haguä tembiapo pyahu hekovépe. Ñamoñe'ë ko'ágä versículo 15 al 18:

2 Reyes 2:15-18 "... Jericópe, Eliseo he'i chupekuéra: Ha'éma voíkuri peëme ani haguä peho."

Maranduhára kuéra oha'arökuri Eliseope ysyry rembe'ýpe ambue tenda gotyo, ha upévare ohechákuri hikuái Eliseo omboja'órö guare ysyry oipurúvo Elías ahoja. Ha'ekuéra ohechakuaa Eliseope oñeme'ëhague katupyry orekova'ekue Elías; ha katu noikümbýi Elías ohoitéma hague. Eliseo he'íkuri chupekuéra Elías añetahápe ohómahague ha natekotevëiha ojeheka chupe. Upeichavéramo jepe, maranduhára kuéra he'i jejeý oho haguä Elías rekávo ha Eliseo ipahápe oheja oho hikuái, ha oheja oho 50 kuimba'e oheka haguäicha Elíaspe. Heta oheka rire hikuái ndojuhúi Elíaspe, ha ipahápe oguerovia ha'ekuéra Eliseo, ha'emaha upérö, Ñandejára profeta.

Umi maranduhára kuéra heta oheka rire Elíaspe ndojuhúi chupe. Kuimba'ekuéra táva Jericó pegua oñembojákuiri Eliseo rendápe orekógui peteĩ problema. Ñamoñe'ë Segundo Libro Reyes capítulo 2, versículo 19 guive, 22 peve:

2 Reyes 2:19-22 "... Upe guive pe y opyta ipotï, he'i haguéicha Eliseo."

Eliseo omopotï upe y. Upéva ha'ékuri milagro moköiha. Ko'ágä rupi ikatu gueteri ojehecha umi y valle Jericópe. Jaikuaa niko, oimeraëichagua ysyry yvy ape arigua, ikatukuaa iky'a térä oñe-contamina. Upeichavéramo jepe, heta tapicha ohova'ekue ovisita Israel ha oíva'ekue upe tendápe, hoy'umava'ekue upe ysyrygui, ha umíva he'i y upe ysyry pegua hetereiha.

Ha péicha angirü che rendúva, japytáta ko'ápe opáguima ñande aravo. Ñakontinuáta, Ñandejára pytyvö rupive pe programa oútavape. Jajojuhu jey peve ha Ñandejára tanderovasa ndéve ha nde rogayguápe avei!